

Svijet je zaluđen Crnim petkom: Donosimo sedam savjeta za kupovanje na sniženju bez imalo grižnje savjesti!



Svake godine na četvrti petak u mjesecu novembru, milijuni ljudi diljem svijeta polude i bace se u šoping groznicu originalno poznatu kao Black Friday ili Crni petak. Kartice se peglaju, novci nestaju s računa. Svaki proizvod snižen je bar za 30 % ili više, što kupcima omogućuje kupovinu nekoliko željenih predmeta, čak i onih koji im nimalo ne trebaju. Crni petak ove godine u cijelome svijetu obilježit će se 27. novembra i trajati nekoliko dana.



(Foto: Pixabay.com)

Crni petak neslužbeno je ime kojim se obilježava prvi petak nakon američkog praznika Dana zahvalnosti (četvrti petak u mjesecu novembru). Počeo se obilježavati u Americi, 1952. godine čime je u to vrijeme otvorena sezona kupovine božićnih poklona, no ime koje danas koristi počelo se koristiti tek decenijama nakon toga. U Sjedinjenim Američkim Državama smatra se najzaposlenijim danom u godini u svim trgovačkim centrima, što dokazuju i snimke koje svake godine preplave sve svjetske medije, na kojima se hiljade ljudi naguravaju na ulazima u trgovine, kao da se svi proizvodi dijele besplatno.

Groznica Crnog petka toliko se rasprostranila da je nije spriječila ni recesija, a tek prošle godine, po prvi put u povijesti, oko 54 % cjelokupne američke potrošnje ostvareno je na internetu u internetskom šoping. Dok se Amerikanci navikavaju na online šoping, ljudi u europskim krajevima "crni dan" tek su počeli usvajati od 2011. ili da budemo još precizniji od 2015. godine naovamo, i to zahvaljujući divovima poput Apple-a ili Amazona, koji su ovaj dan odlučili iskoristiti za najveću godišnju rasprodaju na svim svjetskim tržištima.

Dok za neke Crni petak znači nekoliko dana sniženja, za neke to je dan u kojem pristanu s proizvoda skinuti samo komadić svoje marže pa se takva sniženja ne isplate. Zato vam prije ovogodišnjeg Black Friday-a donosimo 7 savjeta kako ne nasjesti na prijevare te kako kupovati i kupnju zapamtiti po dobrome.

1. U vrijeme Crnog petka ne kupujte na Crni petak!

Znamo, čisti apsurd, ali sniženja počinju čak i do sedam dana prije, što znači da već sutra možete krenuti u izvidnicu pa se odlučiti na najpovoljnije verzije. Na taj način kupovat ćete trezveno, a svi artikli bit će dostupni.

2. Za kupnju tokom Black Friday-a koristite provjerene stranice...

...poput US Amazona, eBay-a, Best buy-a, ili poznatih sportskih brendova kao što je [Adidas](#), gdje biste mogli profitirati unatoč troškovima slanja, dostave pa i carine. Na europskim, hrvatskim pa i bosanskohercegovačkim stranicama, novembarska sniženja još su nedovoljna. No najvažnije od svega je da provjerite cijene na nekoliko istih stranica (Amazon US, UK, DE...) te da svaku cijenu konvertirate i provjerite

koliko ćete zapravo na kraju platiti proizvod.

3. Triput mjeri, jednom reži!

Sniženu cijenu uvijek usporedite i s originalnom cijenom proizvoda te provjerite je li postotak koji prodavači obećavaju istinit ili je patka. Uostalom jeste li znali da nakon Crnog petka dolazi najpoznatiji ponedjeljak na svijetu, tzv. Cyber Monday kad su sniženja još i veća? Ili barem produžena. Računajte i na njega.



(Foto: Pixabay.com)

4. Pamet u glavu, oprez u novčanik!

Provjerite kućni budžet prije nego što se upustite u kupnju. Ako zaista imate dio novaca koji možete izdvojiti na kupovinu na sniženjima, napravite popis ili plan i držite se njega. Niko nije imun na trošenje pa ako ne budete disciplinovani mogli biste nadolazeće praznike dočekati u problemu.

5. Epidemiološke mjere su bitne!

Zbog pandemije covida-19, ali i zbog ugodnije i mirnije kupovine koristite web stranice i aplikacije, nije potrebno da stojite u redovima. Sigurnije je, a i zdravije.

6. Kartice s popustima sad su u igri

Da, da, svi vi vrijedni koji tokom godine skupljate bodove u određenim trgovinama, izvadite kartice i svoj crnopetkovni popust umanjite za bar još 5%. Možda neće biti neki "deal", ali je osjećaj genijalan. Zašto platiti više, ako ne morate?

7. Televizori se uvijek isplate

Iz nekog nepoznatog razloga, svake godine televizori budu na "najpoštenijem" sniženju. Ova godina neće biti posebna iznimka. Prosurfajte po internetu, istražite najbolju opciju i kupite si novi TV. Korona je, zima je,

sigurni smo da će se isplatiti. Možda ne za dnevnik, ali za binganje najnovijih epizoda na Netflixu, zasigurno hoće. (vz – Foto: Pixabay.com)

60

SHARES

[_ Share on Facebook](#)

- [_ Tweet](#)

- [_ Follow us](#)

- [_ Share](#)

- [_ Share](#)

- [_ Share](#)

- [_ Share](#)

- [_ Share](#)

Date: 18-11-2020